

摘藻堂四庫全書薈要

集部

欽定四庫全書薈要

集部

御製詩三集卷四十三

四



欽定四庫全書薈要卷一萬三千四百七十二


集部

御製詩三集卷四十三

古今體八十首

乙酉一

乙酉元旦

歲時月吉慶三元青陸祥光燭紫垣必世若稱王道始
後仁惟愧魯論言朝正敬受萬方賀迓祉顯祈五穀蕃
家宴乾清歌具爾天潢奕葉衍長源

元旦試筆

順斗鴻龍又轂旋

蒼靈新社錫敷天丕基敬繼

五朝業大寶欽登三十年益慎盈持將泰保敢踈夕惕

與朝乾乞漿得酒惟農諺

農諺歲逢申酉乞漿得酒申年豐酉年必豐云

酉熟

申堅願稔連

曉瞻三素麗璇霄元祚虔求玉燭調喜爆聲震壩穴聽

祥靈積地簸鍾消宮梅得氣芳舒萼苑柳迎春嫩擺條

萬里伊犁喀什噶面東胥賀紫宸朝

題和闐玉碗

潛確已稱中國少和闐真是異珍多春秋陳貢來包匭

杯碗相聲材命琢磨西旅却殊時致獻昔年準噶爾台吉回部和卓木

雖屢貢玉碗不比此拓和闐為我屬春秋貢玉如內地任土作貢也水精寧得與同科不

斟白酒浮香茗延喜彤闥受福那

降旨免江浙積欠詩以誌事

有序

供輸維正租庸恒甲於南邦澤沛非常蠲復早申
於北闕循三載一巡之盛事計籍加詳佈元辰二

日之恩言郵傳倍永咨彼額徵未足覲延不乏齊
民軫茲尾欠猶懸被歎寧無下戶縱比年頻致十
千之取而為數尚隕百萬而贏詢疆吏以陳書清
問每勤夫側席勅度支而奏課宣條毋靳手持籌
庶幾澤黔飛鴻白屋三時歌鼓腹抑且村閒吠犬
青旗一路樂遨頭云爾

曰休曰助重時巡嗟爾司農聽綍綸百姓已皆注耳目
三年又復有逋陳持籌漫計贏巨萬投匱都教豁窶貧

仍慮十行或遺畧屆期應更細咨詢

題錢陳羣進伊祖瑞徵所篆瑞日祥雲和風甘雨

章

迎春帖子進南方先以家藏古篆章瑞日祥雲兆歲美
和風甘雨卜農慶休徵敢謂時斯應善頌還嘉規不忘
願共吾民沐新社春祺嘽嘽萃方昌

盛懋暎雪讀書圖

交遊不襍樂家貧暎雪觀書造意新自是稜稜志清介

何須類舉負薪人

楊榮識語並舉買臣負薪圖予以為
映雪讀書自是高致非負薪者可比

失去固
恰當耳

降旨加賑甘肅去歲被災州縣詩以誌事

新正將南巡頒諭豁逋賦江浙人則幸他亦予民庶弗
被災或可被災深厯慮甘肅昨夏旱申命已周助正供
早與豁恤民何礙屢加賑宣恩綸極次計月付推行在
有司其善實惠布

唐寅會琴圖即用其韻

露坐橫陳膝上琴愛披秀木有佳陰不知袖手對聽者
可識高山流水心

題和闐漢玉蓑笠漁翁

漢玉者非必炎劉時物其土浸璘璊古色穆然者
皆可謂之漢此玉有之相其材命工稍加琢磨為
蓑笠漁翁而繫之詠

詎必炎劉始足珍幾千年出玉河濱鷗鳬久是忘機侶
蓑笠曾非把釣倫弗受雕鐫存樸古豈資燒染自玢豳

史編中問斯人傳不在清河在富春

新正重華宮

歲值木奮軋月得土長養

正月建戌寅

酉秀成熟兆寅津綏

達廣迎禧始重華注心遍九壤
瓦陰雪迷離簷陽曦炯
晃勝椒煥黻屏仙木扶鏤幌
新年語吉祥寰海籲豐穰
降旨加賑湖北去歲被水四縣

萬方豐歉一心存酌劑寧教靳德言
被水雖云僅四縣
望調亦厯有黎元旬宣咨爾頒錢穀
老幼俾其獲飽溫

豐省實多報歉少慶斯即是沐

天恩

題周臣村莊農慶圖

山莊無別事惟是祝年豐
納稼村村急高囷戶戶同
社常接雞犬鄰不遠西東
相聚農桑話于于太古風

新月

元正越二日太昊啓節昌行慶際芳辰大來延千祥舉
首見新月一鉤垂天潢盈虛固其恒新年迴異常依依

鳳輿新正佳祉萃彤廬千春進爵期無射

萬壽如山願有餘寶鴨篆凝噴瑞栢金雞皴踏燦祥藻
昇平漫議過華衍今歲承

歡此復初

和闐玉觀梅仙圖

等度和闐玉觀梅琢作圖人將花總似艱辨楷芳通

題李贊華射鹿圖

東丹避嗣主越海昔奔唐偶作射鹿圖縵胡猶舊裝改

姓事他國迴心憶故鄉雖無逐鹿志熟處亦未忘遠愧
吳泰伯近輸漢高皇

詠周片雲戚

杖黃曾紀武劑白亦標文舞自稱西樂形猶肖片雲穆
然斐古色鏗爾振嘉聞義取和安樂翰筵伴淨芬

新正瀛臺

問

安之便出西華咫尺南臺路不賒纔隔旬餘新歲是恰

欣春曉景祺嘉篆凝瑞靄猊噴霧爆響平安樹綴葩迎
節綵繁惟卜晝幾曾宮蠟照紅紗

寶月樓

液池南岸有高樓寶月佳名題上頭正望元宵生玉魄
堪憑春色始皇州綵屏吉語農祥籲香宸恒銘民莫求
保泰深心端在此敢因韶節恣歡遊

淑清院

春將淑矣石泉清峭舊之間小暢情却是喬松無改度

濤傳上古以來聲

題涵春室

春節雖遲日

是月十四日始立春

春意遞新年雪積祥玉花爆騰

瑞靄煙宮城近六街市語何喧闐昨歲幸遇豐物價平
於前婚嫁率乘時景象熙京塵可遽云返樸通經貴達
權

豐澤園

鏡面輾冰牀須臾駐岸旁春園攬豐澤農畝卜初祥庭

有松筠趣筵多翰墨香東郊將傳耜物意遞韶光

虛白室

怪石浮筠羅幾層書窓清擬玉壺冰漫言虛室纔方丈
大地韶熙箇裏凝

方從義松巖談道用圖間孫琰題句韻

無地樓臨有頂松金題玉躡啟緘封由來可道非常道
茅狗難希騎二龍

和閨玉牛再疊前韻

愛牛緣何緣愛耕耒耜之利資爾能和闐王子牛其形
稍加琢治如牟鳴造石非同拖五丁聚道乃全擬大牲
陳蕃無計可芼羹興鋤解甲天衢亨任土作貢無別營
亦弗敢詡我武成漫因新舊評藍青

普靜禪林瞻禮有述

禪林鬱律鳳城北辛卯

順治

初成甲戌

康熙

脩六十餘年事

重葺百千奕葉仰

前猷無非

保赤右扇念有集衣黃偏袒流親詣辨香昭慶落七言

聊當

去聲

誌碑留

題方琮山水

茅店婪年讌石橋招客遊紅桃經雨潤綠柳受風柔
谷口雲猶吐溪頭水已浮木蘭待碕岸將泛問春舟

右春景

梧葉高樓上蕉芽曲迳邊愛涼仍捲幔滌暑或觀泉
樵憇不遠斧漁迴那用船千林綠猶重其意已蕭然

右秋景

同豫軒

新舊萃藩封三接不可缺賚與宴並行所以聯情悅涓

休月之六嘉饗荅韶節同豫此臨憩紫光

閣名賜宴之所

待整

設軒墀既靜佳甌研亦清潔義經在棐几玩象觀辭說
雷出地奮輒撫辰敬斯切

賓竹室口號

收雪將來竹埭培綠瓊枝覆白瑤堆笑非京洛程家宅

却得游楊砌下陪

韻古堂

古鐘自何來來自西江溪列簾以十二題名義由起行
令歲之首太族入律始育物叶輳達對時欽天紀却懷
尊盧初詎有軒堂此

千尺雪

積餘雪色在山陰落下銀淙雪有音拍日寒山聽雪閣
異同此雪費推尋

茗甌竹鼎伴清嘉七字剛成趣亦賒
綵勝銀鐙聚無設室中宜樸不宜華

年前三白佈祥雲掩映軒櫺倍覺清
若問予心喜所託率因真澤匪虛名

紫光閣曲宴外藩並回部詩以誌事

值歲外藩入覲顏新增伯克序年班
四方來賀誠非易三接推恩未可刪
筐篚兩廂頒等第魚龍百戲關班斡
西師繪壁思羣力敢曰折衝尊俎間

題文徵明松堂吟賞小軸

結宇茨荒草向簷依老松
延將幽籟颯覆處翠陰濃
芸簡堪娛目茶甌藉洗胸
箇中尋獨樂不擬客來逢

人日瓊華島

人日登臨古所傳
靈辰迓祉慶初年
祇宜佳處賞松竹
例是今朝禁管絃

是日逢國忌
例不舉樂

雪積樹根堆喜色
春融

峯角蔚祥煙
輕陰設復霏
時玉駢慰東郊利麥田

悅心殿

曉日上窓溫佳牀小憩存癖詩忽隔歲嵐畫又迎軒攀
陟寧宜亟詩書悅可敦此中覓消息至矣子輿言

嵌巖室

瓊島分明是假山年深喬木鎖孱顏依巖書室含蔥峭
疑在富春大嶺間

鏡清齋

冰牀原輟鏡中來據榻迴看鏡面開自有一方呈照鑒
本無半點惹塵埃延虛恰喜欄邊竹入影猶疑岳裏梅

收得臘前雪盈盎三清便與試茶杯

看畫廊

迴廊宛轉倚崎嶇畫意隨時觸目輸簷拂松篁屏貼勝
今來看是歲朝圖

題韻琴齋

鏡浦雖涵凝派泉故不凍泠泠常作聲已覺春溫貢齋
傍竹特茂清籟和去聲吟鳳響應有相投底藉八音衆寄

意笑柴桑無絃猶撫弄

抱素書屋

倚山繞曲池面勢雅稱宜棟不飾金碧窓常納秀竒登
臨初歲景蘊釀好春時繪事如相擬惟商可語詩

畫舫齋

池上為齋擬舫同那資桂楫與筠蓬三餘凍結練非疊
一例光含鏡自空亦可開窓試延月奚勞落席慮驚風
虛舟取喻原無繫數典何須定米翁

古柯庭

窗外延來壽木賓將迎不待有精神漫言枝葉行條鬯
此老那知故與新

詠哥窯瓷枕

瓷枕出何代哥哥類董窯金絲鋪符藻鐵足節籬筵文
並柘榴重珍非翡翠澆贈宜漆園吏夢蝶恣逍遙

沈周玉蘭芝朶

芝朶丹黃蘭葉青石邊木筆燦亭亭畫家大有伊人念
規寫無非謝氏庭

重華宮曲宴內廷大學士翰林等雪象聯句並成

二律

上元後日例燈筵今歲涓良啓翠旃曲宴重華堪數典
聯吟雪象重去聲題箋誠敦君鑒復臣鑒豐祝申年繼酉
年小部梨園非水調細聽原是徵招絃

布茵東壁共歌賡愷樂韶年百福迎何必鸞觴浮六醴

仍教鳬鼎瀹三清

茶名重華宮曲宴用盆果
杯若不賜酒率成例事

圖觀寶笈

旋因賜

是日陳石渠寶笈
觀之遂分賜諸臣

果飮蘭珍侑以行穀日晴和

占歲美殷殷同此籲農情

雪象聯句

有序

穰兆重金酥迎三白收穰葩於朶殿玉戲旁羅宵
巨骼於闐城樞精上應森承跌而挺柱香積普賢
座下之華亘擁鼻以迴鉤氣吞盤况山中之粟爾
乃朝正伊始典數熙春番觀聿臻光觀晉晝活脫
寧煩翦纈擬貢輸則潔過紈牛胚渾漫許登梓方
賓薦則莊逾鹽虎訝蹴部誰矜昆戰燧尾幸銷蔥

嶺之烽疑安驅自佐厯耕駕肩宜佈榆關之穀舉
似黃門左仗程品料以心降將期丹輅南轅矜儀
皤而色喜然此皆功歸

德產意悵

天倪仿一雙猓子能馴礪礪蹲時尚遲見覲叅八百龍
公善舞蹁跹感處猶趨回風聊標鹿苑幻形臘後
手搏稱得氣載課兔園妍唱年前頭踏擅如神七言
韻叶長申六匝巡環周甲庶釳砌素雲永護範

模元化匪無為惟瑤鑄白獸齊開刻畫太平真有

取

御製重華文會列長茵三白欣逢先早春瑞兆崢嶸看有

象

嘉徵和暢紀宜人表逾尋尺綏豐叶慶洽垓埏

至道臻百穀含精剛協日

臣傅恒

九華迂節普同民西山

積素嘗抽札東陸開韶憶集紳

西山積雪立春日雪並蒙台集

聯句體仿狻猊

舊有雪獅聯句

聯綺序

臣劉統勳

輝餘鳩鵲撰芳

晨典胥想像來重譯鑄物分明出泰鉤曲直從心

奇更合

臣阿
里衮

方圓就範妙能因執雕底假中黃試

貫棒寧煩壺涿循格肖迦那無十二

臣陳
宏謀

御製輪隨阿耨轉由旬收培玉樹多仍積裝守銅扉對得

倫氣結瑤光接華澤

班崇鹵簿翊

楓宸七輦那倩縻珠絡三沐無勞澡玉津鑿鼓徒傳鳴

谷應

臣舒
赫德

蹬梯特遣立山鄰消炎竟使誇南粵不

動疇憎搏大秦倍蓰腰圍堆擁腫

臣阿桂

蹯跚骨相

削嶙峋刻舟智漫矜江表化石蹤非效洛濱吞失

靈蛇知斂氣

臣于敏中

穴空黠鼠少潛跋魁梧皓質高

難俯磊砢瓌姿伏待伸炫采襲環紛組綬

臣彭啟豐

御製飛花承輅溯椎輪懸瓠慢擬驚鷺鳴林邑何妨侶鳳

麟比色埒糖甘却勝

樛枝織竹潤尤珍耳偏簸哆寒猶躡尾亦錐鋸燧

不瞋垂臯彎弧織拾芥

臣張泰開

參牙比櫛燦鎔銀輝

煌寶鼎行堪負誅蕩

天閭路可遵輟點霜苔膚合沓

臣表曰修

圓擎氷柱足麟囿

洗經香海原同水現到峩媚詭染塵乳孕記時連

稔歲

臣錢汝誠

拜儀率舞際元辰鼇凝懸圃三番冠豹

澤中條七日純座護莊嚴閑且佶

臣王際華

御製園開喜樂幻兮真爰教吳匠相搏掄不藉蠻奴自擾

馴形大由來其性順

寶滋果爾厥功均霽飄界閱三千遍髮覆毫瞻丈

六親檻暎蒼虬騰蜿蜒

臣觀保

門排金馬峙瑋璘仙

驂輒緬王喬駕吉夢俄徵張茂詢餅餌規模誰擅

鏤

臣蔣櫟

砒粧點莫論珉團將菌蠢要綦佩掃盡

蒙尾薦氎巾綴璐綏綏鮮並挹

臣實光

撒鹽瑟瑟細

齊皴蹲其虛几疑生嘯矯若之而欲作鱗以節秦

調奚尚累

臣奉寬

御製於圖審鑒匪專歟截流解徹法王味砌葉全標青女

神狀似雪山遊本慣

步瀕淨土力曾掄教傳西竺芬霏粟美釋南方富

儷珣笑說膽長依月注

臣金圭

詫聞齟每感雷新制

緣不律然乎否劄向昆吾展也洵河渡恒沙無算

數

臣陳兆崙

雲耕鉅野未磨磷瞥驚照夜竒毛刷奈許

燃犀詭貌振摸喻杵箕伊所扣

臣汪廷璣

遇成珪壁孰

斯甄皚皚勢壓駢封聳的的光瑩稀目眴大客居

然相突兀

臣倪承寬

御製鈍公母乃太逡巡江淹難賦瓊為樹子產休訾齒害

身何必荆山誇悉放

還如訶國驗駢陳越裳白雉歸彰

化靈囿駟虞育逮

仁觀琬昭文誠中度

臣劉星煒

載瑜譜樂正來賓昇平進頌

諧星琯

慶惠垂陽啓鳳闈木盛占年符奮乙

臣盧文弼

金穰涓日佇

祈辛坐聆宮漏移花緩飲飲衢尊浥露醇燠沐餘冬常

盎盎

臣謝壩

棣通肇閏總礪礪題拈先霰環墀城箋

通番風颺秧振樂以

泰交垂在甲

臣汪永錫

御製撫茲豫順凜惟寅政頒魏闕朝儀飾澤被公田

天貺申一德賡歌欽慎憲對時搦管豈云頻

沈周溪橋樹影即用其韻

填填扶筇過小橋不巾一任髮飄蕭清溪入影曾無愧
太古論風定豈遙

白鷹詩

喀爾喀貝勒阿玉爾所進

鷺鳥白其色由來稱吉徵班郎賦昔雉實牧獻今鷹素
羽常馴熟雄心泯掣騰北藩茲世僕休擬越裳曾

正月十一日延春閣恭奉

皇太后觀燈即事

年年御苑

賞花缸茲近南巡啓蹕幢節卜齋前迎

鳳馭

以明日始值
祈穀大齋云

月先望夕麗天枉蘭珍百品羅瓊

几華燭千行照綺窓
高閣延春春信遍駢供
慈豫堪棋尾

題唐寅溪山八景冊

蕉窓道話

蕉軸窓前綠展雲
夜齋不雨靜無紛
高人對坐分明話
那許人間以耳聞

武陵桃浪

刺蒲綠貼落桃紅
波面輕翻錦繡風
好是源中繪春色

何曾洞口引漁翁

江山漁隱

亦有成名亦隱淪千秋一例把竿綸
輕條無語應含笑人不釣魚魚釣人

懸崖噴瀑

飛落銀龍擘峽開雷為聲吼雪為皚
科頭望者應懷想想彼源從何處來

楓林坐愛

幾點楓林綴復飛飄然衫袖坐忘歸
邊傍縱未巾車置何礙神傳杜紫薇

水邊吟興

丹楓綠竹間枯枝一段湘江秋晚時
謂是伊人偶為畫誰知有客藉成詩

萬木號風

喬木低筠護矮垣悠然天籟靜中喧
空山寂歷茅簷下齊物從教悟漆園

柳州詩意

桃花菴裏閒揮筆殿以孤舟釣雪溪內翰拈吟各抒興

薄家獨藉董家題

冊中題者自陳元龍以下八人皆康熙年間內廷翰林對景拈毫各承興

會獨薄海所題宿雨初收晚烟未泮云云乃直寫筆其昌語以當題識彼文筆故不如上諸人所謂欲蓋彌彰

故戲及之

題和闐玉煉藥仙人圖

鍊玉居然玉作人丹鑪獨對守庚申騰騰兀坐非無謂
僕僕忘機自有神澗谷曲圍水宛轉洞門半掩石嶙峋

中山李預真癡者枉向藍田覓問津

魏書李預每羨古
人餐玉之法乃探

訪藍田掘得若環
髀襍器形者椎七
十枚為屑日服食
之預鄙固不足論
藍田即有玉亦宜
未經琢磨而有環

髀之形記載家

務奇可笑若此

祈穀齋居

民所重惟食聖所慎惟齋

祈穀將大祀遷座欽銅牌五味舉用淡

蔥韭類
不用

八音徹

克諧清夜省歛成韶春迓欲來濃雲韜月光復雪當益

佳

題宋宣和梨花鳬雀

橫斜雪朶不勝春
雀立花枝鳬水濱
位置高卑皆恰當
如何獨是昧知人

和闐玉觀瀑圖

雪瀑掛峻嶒
幽人對坐憑目隨
落斜底心溯最高層
本是山輝質
真看玉潤能
名家唐沈輩
唐寅沈周皆有觀瀑圖
點筆笑何曾

乙酉春帖子

龍鱗迺鸞路指日向東南明庶風迎面今朝春澤覃
太昊新司節鴻禧乃大來馮生欣萬物即復磴磴

歲德已逢卜留熟日干又慶叶金穰願綏新歲如舊歲

昨歲各省多逢
稔直隸尤佳

庶致民康與物康

詣齋宮作

青陽初入律玉輦正迎春

是日立春

今歲節方始明朝

祀用辛萬民

祈稼穡一室必精神曦影輝窓紙欣披淑氣閭

祈穀禮成述事

薌牛光燭繚垣紅蒼壁欽升

帝座崇昨日立春今日

祭次辛此歲上辛同望來朔旦剛全照

是日上元節

酉繼申

年願屢豐三十度親承

大禮為民

祈不為微躬

上元燈詞八首

皇都元夜信皇都九陌煙花共衆娛綵麗神霄懸玉鏡
瑞凝璇宇席蘿圖

昨朝東陸迎春至今日

南郊迓福來新舊藩臣集闕下鐙筵應許共追陪

歲歲觀鐙例御園今年緣近啓巡轅玉樓金殿重重朗
饒得宮中度上元

銀花作隊紛垂架火樹成行焰煥楹何必午門賜酺樂
行時中每凜持盈

挈壺初報酉時牌
炬網鐙輪一霎排
翠火結成萬壽字
愜心益算祝

思齋

恒春玉蘂夢霏雨
不夜祥煙濃疊霞
最是團圓初度夕
翹瞻寶靄上東華

景運門前接箭亭
重開寶扇列燈屏

丙寅年亦曾於宮
中度元宵蓋彼時

以孝賢皇后將有弄璋之慶逮今垂二十
年吉噩喜戚均成夢幻觸景迴思不能無憶
廿年往事

何堪憶電火流陰信不停

祥花倏見金蓮湧
吉語明占玉燭調
清蹕來朝猶節夜
承

歡更復賞煙郊

御製詩三集卷四十三

欽定四庫全書薈要卷一萬三千四百七十三

集部

御製詩三集卷四十四

古今體七十八首

乙酉二

恭奉

皇太后南巡啓蹕三疊前韻

有序

留熟支開怡肇金穰之歲棣通氣奏甫頒青陸之
春誦上元翼日良辰猶是宜鐙宜月舉江國四巡
令典望均自東自南溯夫展義陳詩賜酺給復進

壇吏則書登風俗羅黌宮而牒上俊英既不辭三
至以云勞寧或改一遊之為度顧惟於越勾吳之
壤厥號襟河帶海之區雖五壩示其節宣幸卜澄
瀾於紆轡而兩疊資為夾束期覘漲潭於候潮殷
懷將在此行遠計曰無非事矧黎獻扶筇之願切
尤

壽康掖

輦之

歡增樸室卻飛翬十笏明窓披月宇輕艘捐采鷁一桁
柔艣翦煙江七校點前班尚減傳餐之簿六曹遴
後扈纔充繞仗之儀匪高選勝乎山川彌軫疇咨
於民物對此韶光添九十東皇之閨律方中因之
清蹕紀三千南服之行編可冠

南邦初莅歲維辛依戀常牽澤國倫三載忽如過影隙

當春仍此卜時巡預教減從

去聲事從平簡命一應處從
聲簡人員均較上

屆減派仍由該衙門核定奏聞諄戒增華命屢申度節尚隨朝節客

時蒙

古王公暨西域輪班八覲朝正在都並移
上元節宴就送駕之次令其預坐遣還

近光先有覲

光民一清寧止徵求寡千里何須兵衛陳日日

大安承

喜色恢恢四海共熙春念周黔赤愛如舊興助江山句
亦新却是靜中時自省得無觀采畧嫌頻

過廬溝橋

通閏遲節候河冰尚未開徑行誰病涉
永上行人往來

隄防去聲似虛堆兩堤上積土成堆因悟垂時要難言永

定該遙源溯代地西北萬山崔

長新店

村亘五里盧溝濱廬舍比櫛復次鱗借問往來投店者
幾不勞勞名利人墟里蓋藏真覺好幸值去年登萬寶
紅聯貼戶竿豎鐙長新即此長安道一二老人衣黃衣
欣於所遇顧賜之向南日日數增倍侍衛行賜將或遺
遠惟有望近不厭迷聖名言可味思

良鄉行宮恭奉

皇太后觀煙火

駐惟初頃節翼日處處承

歡養萬方合設鐙花酬景令所欣

食履正康強却看月隱勝月現

是日同雲密布大有雪意

欲笑廣陵

輸廣陽入夕同雲將釀雪連阡麥隴願敷祥

良鄉行宮三疊舊韻

初頃常教依北闕長途復此指東江門前煙火同觀罷
却喜盆梅伴燭窓

南巡四度不言勞
詎為江山事一遨
察吏要因悉民隱
舉賢寧止拔文豪

壬午春當蹕旋際
為民迴顧頗牽情
三年纔浹巡鑒出
欲答蒼黎盼幸誠

立春越日駕巡南
梅信緣寒想未酣
遙憶孤山放鶴處
也留芳朶待吟探

向來觀梅至蘇已覺爛漫今歲春遲且逢間月至杭或尚可觀梅也

郊臺

庚辰曾是勞旋師叩

貺臺陳得勝旗自此西瀛盡來賀每循南路引餘思固

資衆力成勲績實藉元戎善指麾享澤何期騎箕尾

協辦

大學士一等武毅謀勇公兆惠以去歲冬至月患
病溘逝雖親臨酌酒今經此地不禁迴憶生悲 不禁

觸境一生悲

弘恩寺

龍蔥翠蔭濃隨喜梵宮重庭有百年樹僧脩六度宗白
蓮持戒律黃蘗謝機鋒小坐遵前路聞徐煙外鐘

琉璃河

石橋千尺壓兩涯接以石路平不陂夏秋行潦每致潴
藉此無礙車馬馳前人妄為後人賴長城運河率有之
勝朝魏璫茲故里葆輿安坐達京師非官帑即勞民力
小脩所費尚不貲窶人子勢有如是奚怪朱家社不移

駐涿鹿行宮觀燈火

正月十七日

節度上元纔兩朝排當煙景聽羣僚

地方官稱已共稱
備不復罷之

墟里裹糧夕

百里外有裹糧來觀
者亦與民同樂之意

况尚錢王買燭宵

一響千行燃火樹半空百道接星橋團圓寶靄騰東海

上元雖度然正月以
是日為望月始圓 不負鐙前奏六么

涿鹿行五疊前韻

今日駐輦鄰州城明日啓駕遵南行倏忽一夜今成昨
荏苒來者今非明三年餘得桃花飽無去來今惟靜好
藉可喻四巡江東却是言實非譬巧人有來去日何尤
其間哀樂事已稠試看歷歷前題句幾纖毫分為恒留
所幸里民鮮菜色蓋因客歲逢稔收以此祈年益切切
謹身宵旰慎厥脩

樓桑村二首

漢室王孫志本雄
指桑葆蓋誦諸童
可憐不及春陵業
二世偏安祇蜀中

豫州一旅得成軍
見說英雄獨使君
千載枌榆猶故社
誰稱李定與周羣

紫泉行宮賜隨營諸臣及直隸各官食

吉行五十里
非遙元夕逾三尚
節朝有暇宮門臨
賜食兩行茵
席荅熙韶歲收
即是君臣福
民樂多緣風雨調

虔顰居謙戒歌器欽哉自勗勗羣僚

紫泉行宮十詠

敬軒

情知別館縣城南樸斲欣堪稅六驂
三架軒楹教豁敞為宜春色箇中含

屏山

數峯意亦足瀟湘畫法奚論米與黃
最喜當門無俗韻愛他本色是清防

鏡湖

淥水胥堪供鑒觀青銅試比有餘寬
行臨江國休衡校鶯脰菱絲祇一般

舫室

舫室閤閤臨鏡湖推篷煙水趣真殊
箇中摘句吾原慣

消息先傳安福艫

南巡所御舟名

梭亭

翦縛梭毛覆上層
逕穿詰曲倚峻嶒
靜觀設問誰堪比

金少口人
卷四十四
一笠居然雲水僧

虹橋

宛轉橋欄俯渚汀
垂如蟠螭飲波形
武夷君若期相會
躡此知當到幔亭

魚罾

今歲春遲湖尚冰
何嘗倚岸置魚罾
有名無實翻成當

去聲
里革謹言憶讀罾

石徑

礧礧白石玉為堆曲逕重尋春日来踱步向深忽失笑
不由還覺愧澹臺

竹埭

誰把蒼筤護閣栽坐宜月入與風開何須艷舉江南好
一例虛心勁節材

箭廳

箭廳仍是倚溪涯衛士歸廬免候排癖病邇來稍廢此
信予慙處豈予佳

降旨免直隸山東經過州縣錢糧詩以誌事

新春頒旨惠江南

前此三次南巡屢蠲上下江逋賦昨詢之大吏以江南尚有因偏災緩貸

各項積至一百餘萬兩念皆無力輸將所致較每歲未完額徵尤堪軫卹因於新正二日降旨槩予豁免以慰

望幸而輦路經應澤遍覃執役那無洒與掃正供胥免均慶惠

十之三即看夾道相親切寧不寘懷共苦甘更厘欠逋

詎全鮮聲上傳宣方伯面詢探

賜直隸總督方觀承

祭戟依京國隼旟鎮冀門中丞近張瑩大尹昔王尊任

久民情悉心恒吏治敦辛哉連稔後元氣復堪論

駐蹕趙北口即事雜詠

大隄廻望見雄城駐蹕燕南趙北營一宿已看分兩國
爾時政令若為行

春遲冰凍未全開近水程途喜不埃侍衛囊金例行賞
野翁依舊獻魚來

煙宮數字可停驂窓裏淀池萬頃涵點筆今朝別有託
愛他消息遍江南

積封圍泥種麥圖未能一例禁西湖

西湖葑田民多佔種向於南廵時覘

知利與隨勅大吏釐核禁將來毋許續增致礙官節茲浚池內外淤地衍沃於時麥尤宜民間望藝滋慮若不示以限制恐日久有妨淤洩自當仿浙省之例飭禁亦在有司之經理得宜耳勤耕豈不資民

食所慮因循占水區

遠浦連冰一片白簇枝綴蕊萬星紅十三橋畔韶光嫩

假藉春鐙著意烘

春宵燕九例收鐙婪尾冰嬉試賞憑闌罷夜深古月上

法王無盡示真乘

降旨命免直隸歷年逋賦詩以誌事

江南百萬豁逋租
絜矩京畿此豈無
多厘寧因少忽爾
頃詢方觀承知直隸自乾隆十九年至二十六年未完
緩徵各項計三萬有餘雖為數不及江南四十分之一
而拮据輸納情自相同因降遠憐翻可近忘乎況當禾
特旨蠲除俾閭閻益資饒裕
稼連逢熟益使鎔銖不藉呼庶俾閭閻歌樂歲春風載
道共民娛

燕九日趙北口行宮觀銓火同扈蹕諸臣聯句

序有

籙臨瀛海宜開不夜之城
節踵皇都競說長春之

錄五日韶華正啓青郊方令布和車四巡清蹕重
經碧渚尚光凝凌鏡緬前度鑾行麗午冰嬉剛值
上元屬今來典重

祈辛鐙宴恰留燕九時則雪融三白風遞初番歲畧吉
而漿酒占豐月華朗而汀洲含淨掖

鳳輦以申燕喜淀池即是西池曜龍燭以洽鳧歡澤國
何殊南國矧蒲澣鴈臣歸近數程許暫扈勾陳乃
蘭衢駢豎迎駢一曲聽歌聯于為記陌上買鐙甫

過景復餘妍看樹頭戲火徐烘斲原待泮望裏虹
橋入畫晞暉當析木之津數來鶴駕超塵駐景衍
鍾離之派爰集從臣而專席仍依例事以賡篇珠
聯擬十二星辰六符更暎玉潤合三千風月五緯
全呈祝

鰲緣日叶仙源崇觀白雲取喜舉頭生慶展義本時咨
民隱芳園紅杏漫重婪尾增華

御製婪登燕九猶嘉夜恰值巡方駐渚宮搦管聯吟堪數

典

展軫有

詔重宣風黃圖藹若春園煦繡甸佳哉氣鬱蔥凌沼漾

晴澌的的

臣傳恒

麥畦含翠茁芄芄三登留熟歡聲

洽六出含精

閨澤蒙祀粥尚沿膏泛白

臣阿里衮

買鐙還續蠟燒紅望延

吳越瞻

天日踵繼燕齊祝華嵩鳳展九苞扶

翠輦

臣于敏中

御製雲垂五色護朱櫳

高年慮假登樓步

銓節宴賞例結綵樓奉樓上觀之茲恐於

高年登陟為

勞命改設平屋

平屋堪娛玩景瞳養

志承

歡敢弗黽

垂陽頒慶此云同燃來蓮蕊攢成錦種得芝田暖

欲烘水鏡朗懸層漢上

臣錢汝誠

玉蛾齊繞萬花叢潛

蛟室底千絲蛭飛鳥行邊百尺虹著地還騰紫匝

匝

臣王際華

曳霄不下挂玲瓏跗呈頃刻瓶罌裏節啓

歲蕤索籥中線掣蜿蜒交列缺

臣蔣棉

御製鞭驅霹靂導靈靄奇蹤艷說丘仙伯誕日兼傳越國

公走馬擊毬城外盛

騫鸞訪錄羽流崇磻溪逸蹟徵時可嶠嶺仙源溯

大通方朔偶然游度索

臣雙慶

廣成竟爾在崆峒杖

龍影已寒池澈笙鶴聲猶夜月朧丹竈霞棲瓊觀

靜

臣全魁

珠幢雲擁碧臺穹
萃元芸秘香餘篆
太極

松蟠蓋自籠慶序
京華傳覽揆

臣張若澄

御製熙韶瀛海緬飛翬
共看趙北冰嬉麗
似遞江南春信

融扈蹕况隨諸伯克

款關久致古筠沖
錢鎔普爾新遵范
布貢兜羅舊

織綢不比名王空
質子

臣呂熾

於今絕域盡抒忠
賣

刀已市千頭犢折
矢仍韜八札弓

豹尾幸陪知感切

臣孫灝

龍文榮綴荷

恩洪

湛沔普被天山北和盍纔廻渤海東濃粲笑花蕃且吉

臣申甫

御製高轟喜爆熾方隆行時信可同民樂祈歲端因厯穡

功掩暎水村益佳致

訢閭澤國肇綏豐七真飈轡攜鍾呂兩淀星橋亘

鄭雄監鯉獻常擎野叟

臣于篠驂舞更迂衢童焮

噴凍藻喧鳬鴨采絢蒼葭起鴈鴻響送蹋歌諧鼓

柑

臣錢汝誠

光田銜燭徹張量漁畎浦遠輝晶晶蟹簞

林開炬奕熊幾點微茫粘曲岸

臣王際華

御製半篝約畧照踈蓬西汀火樹爭輝夕東壁銀輪漫輶

空未可忘言荅韶節

雅宜即景繪熙工莊生見說魚知樂老子嘗論道

用盡故事記曾催擊鉢

臣蔣櫞

新詩繼復許連筒榮

叨

給札霑優渥速愧傳箋訝遽忽雪後培滋如霖霖

臣雙慶

年前積素尚寵從大田佇見耕人出萬寶從占廩

實充寒勒風條芽拆柳

臣全魁

御製閨添花信葉餘桐煙收此夕消金燄路指明朝策玉

驄排當去聲前塗宣命罷

南巡向以鐙節前啓蹕地方官例具火戲茲展於上元後一日

計至此已當燕九因預勅大吏前途不必復陳即斯已覺歛吾衷

鄭州道中作

鄭州久省尚存名水郭人家漁且耕大抵治民戒滋擾

郭駝傳裏語尤明

夕

村名易思賢

舊名四善村壬午南巡駐此以地有漢太傅韓嬰祠因易今名

所思因授

經漢室重儒術遺學賴用明太傅興是邦津梁接後生
高臺今復起傳實原以名三年此南巡行館重駐停昨
日度燕九春郊已收鐙夕齋有餘暇閑後喜謚清簡編
亦在案迴憶當年橫注䟽我未逮惟是勗躬行

思賢村行館疊舊作韻

常山太傅授經祠津逮於斯憇息宜汲古端知稽此要
經邦寧復藉他資自專韓氏惟傳易衆好去聲燕人尤述
詩不號行宮號行館愛伊樸簡契無為

河間道中詠古

獻王祠

班史諸王贊有云宴安鳩毒述前聞獻王好古事求是
大雅千秋祀不羣

簡子城

每思周舍歎千羊尹鐸終嘉璽晉陽趙附晉懷應在此
釣天賜笥失荒唐

扁鵲宅

越人舍客遇長桑謹事因之授禁方疾論桓侯應及蚤
秦醫何自不能防

亞夫城

營臨細柳識將軍霸上棘門兒戲羣取箸設非形鞅鞅
溫人善相亦徒云

董學村

三策原非時事疏醇儒惟董豈虛譽天人註盡春秋理
繇露翻嫌太鑿諸

閭丘臺

詘服公孫弩禁民巧言漢鼎得全身賜金伏法不旋踵
品行原工格五人

瀛州南樓五疊沈佺期韻

古郡仍木譙不見樓干霄藉問繇華地幾不歸淒寥瀛

州復經過和鈴鳴春飈緬彼盛唐代度此第三橋比肩

許宋近遊燕勝驩遙

佺期仕武后朝給事中坐交張易之流驩州遇恩復官復因內宴歌

迴波詞以邀緋袍牙笏之賜其詩名雖著盛唐而諂媚希榮實為士林所鄙耳

亦可安命分猶

然怨譁囂今讀迴波詞孰不鄙其謠

題毛公祠

博士始稱毛獻王慶際遭上承述卜子下接逮徐敖藉
以觀虞夏誰云祇粕糟古祠旁駐輦衍繹一焚膏

憶昔一首示直隸衆官

憶昔壬午過是郡甫經災沴民未蘇歷覽雖鮮鳩鵲狀
寧免飾觀經蹕途其歲夏秋復兩失調幕乏計惟增吁
蠲租賜賑不稽澤救急詎弗遺向隅

上天好生默旋轉癸未辛歌西成愉昨年夏秋更均穫
桑棉瓜菜皆豐腴榮驄欣閱元氣復黃童白叟真懽娛
戶有崇墉村象美衣無須撓人面舒乃知補苴信何濟
力田豈似逢年乎因之逋賦驟豁免索俾閭閻逍追呼
方伯有司日扈蹕此慶共銘汝與吾然宜抱愧何脩致

不宜志滿誇祥符

題馬遠四皓圖

遜跡商顏一例清不夷齊實弟和兄如何對奕長松下
勝負居然有鬪爭

河間道中憶獻王事有作

帝子當年好經學韓毛撰述闢紛囋至今畿輔稱多士
必屬河間文物邦

造次於儒儒好去聲醇山東俊秀盡朋臻兔園笑彼梁王

武徒致鄒枚詞賦人

三雍五榮善尊聞宜獎賢藩績學勤何事艱然難孝武
勉之翻用舉湯文

紅杏園四疊前韻

獻王昔好學竹簡論車輦招致道術人賢材率來館得
書獨稱多儒學因之顯古地闢今園春風又席展何事
消清暇摘詞興堪遣五詩四疊韻用以彰厥善

於景州行館作

地方官以

皇太后高年旃屋究不如瓦屋之煖因建行館以備
憩息義重

溫清且事已成遂不峻拒東省頗亦有之然非朕本懷
故詩以誌愧

行營向所諳隨處足停驂如曰

高年養無過數字堪何來景歷歷且復屢眈眈覺適以
為恧惟清信可耽牙籤供古鑑紗牖納春含未得忘言

去言斯自識慙

景州行館八詠

展義齋

樸宇數楹臨駐時祝事於此觀民展義意斯寓焉
新闢行齋駐罕旌由來不說事云成便教摘藻題展義
思義還因惕顧名

頤志堂

堂為恭奉

皇太后安憩之所叶時

溫清於

高年顧養尤宜

四度南巡奉

聖慈樸堂溫清適相宜承

歡常仰

身康健大慰吾心乃在茲

通渌橋

板橋宛轉淶水斜通步屨往來儼然江鄉圖畫

一泓淶水也成溪屨步通橋雁齒低阿那隄楊雖未綠
柔條拂處已生稊

澹懷室

行館後為邃室幾餘靜寄因之澹泊明志深契澄
懷

溪畔軒庭一宿便琴書猶覺過清妍澹然對處懷澄照
寧祇方心似水焉

延月臺

平屋傍疊石為梯登之可揖東山之月時雖過望
意足千古

月與高人雅作陪於吾何有乃斯來石梯設以皇山擬
方構誠為米氏臺

米芾寶晉齋東有月臺而以上皇山
樵所告異石致其側茲臺疊磴玲瓏

亦以石勝應不啻
寶晉桐杉間耳

涵虛舫

池上舫室可居非水非陸而兼水陸之趣南華虛

舟之喻足以當之

即室即舟臨水裔不浮不繫任天真今朝識得涵虛妙
凍浦雖風那漾淪

葆光洞

延廊窈窕間環以石洞雲根含潤髣髴有光

縵轉遊廊石洞穿趣含幽顯得天然何須僕僕尋丹藥
步此應逢元圃仙

四照亭

四柱翼然清景隨方可攬會心咫尺政不必艷舉
西湖

蹕停過午恰餘閒四面春光攬結間雖不刻舟覓津逮

遙飛逸興亦孤山

孤山聖因寺行宮八景其一曰四照亭

過德州浮橋有作

漕河聯艇作輿梁鞠脰迎鑾夾岸傍何處黎民非赤子
那分彼界與斯疆全無菜色誠予喜自有鴻恩副衆望
不數里遙蒞行館樸齋書史足徜徉

五依

皇祖德州即事詩韻

轉輿指東陸紀序正春初省方將設教有舉必應書

百年

祖制昭七萃軍容肅不遊體以休曰豫凜恒燠

恭奉

皇太后觀煙火即事

早傳度節屆鐙收大吏偏稱備已周

燕九已過不應再
陳鐙大而東省大

吏以時值春正節月入疆首頓迎
輦祝
申慶賞即遠近黎庶亦得共快就瞻以彰同樂因所請
釐宜
尚屬近理且供
具已周遂聽之
且是未過正月內更兼來覩萬民稠春

郊合奉

思齊賞夕景何殊樂國遊
星箭騰空數無萬增

齡都作海山籌

再疊畫梅筆頭詩韻

昔畫梅梢一今題詩句三
見竒應在少香雪待東南

降旨免山東積欠詩以誌事

輸多欠少詎能無積少為多遂屢逋江浙已胥需我澤
青齊忍聽向其隅率因災歉成陳負概與優蠲俾衆娛
昨崔應階來迎蹕詢知濟南各屬乾隆二十七年以前
因災緩貸各項積至十三萬有奇因降旨槩予豁免俾
民力益
資充贍 絜矩要從民所好為民父母意殷吾

賜山東巡撫崔應階

此地向旬宣撫安遂晉遷

崔應階先任東省藩司因繼
阿爾泰擢撫本省奏辦荆山

橋一帶水利工程
頗見利民任事

理疆皆熟路涸淤為疏川斯識勤農

要寧嘉供帳便前人芳軌在努力繼其賢

前撫阿爾泰
實心任事經

畫得宜應陪守而
弗失是其所長

德州行宮再疊舊作韻

三年東國宛重莅幾宇行宮占首程
盆卉含胎方欲綻庭柯圍拱已將成
展芸靜覺蓮壺永摘藻長看花炬榮
惟是黔黎所廛念豈因今昔漫牽情

河南巡撫阿思哈來迎蹕問以豫省政務隨遣去
連疆來謁蹕前席細詢民去歲逢秋美經冬望雪頻雖
霑究非渥有澤不應屯日廛閭閻計何殊目覩親

御行營

規制方圓天地交

凡行營之制周廬外圓而布城內方朝家舊典取義甚精

答陽遠

望見旗旂不勞構築得棟宇實便提攜歷甸郊疆室了
知勝行館土階更弗藉茨茅愛斯與我周旋久塞北江
南風月巢

填倉日作

御營廿五稅駢驂今日填倉度濟南麪餅月形團箇箇
韭芽春意綠鬢髮中心祇祝茅簷宴一飯常懷玉食慙

大雅漫須嗤俗節喜他名義寓餘三

齊河縣行館作

晏子祠邊十畝居春風初度駐鑾輿雖然數宇樸欣此
尚覺中人產厘予地久自饒老松柏幾間相伴古詩書
龍門合傳無須讀比似伊周遠遜諸

題晏子祠

枕股寧稱見義為委蛇以出賴工辭史遷偏有執鞭慕
解贖應懷石父知

嘗謂莊公之事晏嬰成禮而出史遷比之見義而
為非正論也且晏嬰獨非齊卿乎既為卿雖不必以
身殉無道之君獨不當討為逆之臣耶乃游移其辭
尚自託於義而委蛇以退此寧可比於明哲保身之
道哉審如是則孔子之請討陳恒反為不當乎史遷
無卓識且毀譽背經者多矣茲因過祠詠古特申其
義至於執鞭之羨益覺卑鄙蓋史遷悲已之陷罪無
救者耳而司馬貞索隱謂之好賢樂善後世熱中標

榜者流率由斯道祇可鄙無可法也

麥色

麥色吐青微
紐芽初發機
看憐塵土翳
為望雪花霏
冷釀心猶慮
雨佳時又非
籌農展轉意
不識竟何依

見山

北背太行隱
南循廣甸披
廿朝無罨目
清曉忽呈眉
望近行猶遠
因高亦及卑
雲中青未了
恰是杜家詩

閱本

部章過節郵傳至


每間兩日京中封奏一至過節開印則兼有閣部本章

秉燭擅

廬悉處分吏治民生慎幾勅法宮蹕路敢殊勤黜雖敗類心先愧登得賢才意輒欣少讀魯論記提要曰難惟

是陽為君

御製詩三集卷四十四



總校官庶吉士臣侍朝

校對官庶吉士臣羅修源

謄錄監生臣吳錫綵

欽定四庫全書薈要

集部

御製詩三集卷四十五

六



詳校官原任編修巨徐立綱

欽定四庫全書薈要卷一萬三千四百七十四

集部

御製詩三集卷四十五

古今體九十五首

乙酉三

四依

皇祖南巡過濟南韻

四度濟南不入城恐防一入百悲生
春三月昔分偏劇十七年過恨未平
排遣閒情歷村墅殷勤正務祝寧盈
明朝便近方山駐秀色遙看雲表橫

靈巖寺西入石路三用唐劉長卿韻二首

例必由西入石蹊，
皺綠苔今朝暫彼宿。
明日率斯四僧，
自不他去佛原識。
我來秦苻境已闕，
唐李法重開梵貝。
分筵演刹竿當戶，
栽名泉試甘露漉雪一浮杯。

路遵道林石碑古麓山苔

二語聯括
劉詩題意

兩寺今千載三年

又一回因懷長卿昔曾訪法崇來勝會久寥寂。
禪關自闔開老兵呼已得司馬禍誰栽。
望古興遙集何妨為酌
杯

靈巖寺再疊前韻

煙霞朝暮傳心印，泉石古今愜性靈。
不二殿旁法松鬱，摩頂松相傳元奘植成雙門外剎竿亭。
風來簷角虛鈴語，春入山根新水渟。
此是色空無著處，作麼更覓梵王形。

三題靈巖寺八景

巢鶴巖

瑞跡原因法定開，胎仙那識去今來。
層巖或見戢戢者，莫認當年丁令迴。

甘露亭

一例回回山下泉名稱甘露豈徒然
法王解灌羣生頂
會否原來在汝邊

卓錫泉

泉如為所錫為能有卓應非最上
乘藉問阿誰留此蹟
依稀云是佛圖澄

摩頂松

法師西域返關中弘福譯經闡梵風
何涉殿旁摩頂樹

真成野語述齊東

鐵袈裟

鑄鐘弗就袈裟就孰是幻兮孰是常或曰石堅如鐵耳
難持一切問榮將

白雲洞

昔年迴蹕憶登峯疑見仙人馭鹿蹤春曉尚寒且無暇
白雲洞口任他封

雨花巖

弗隨冬謝逐春芳
滿意清涼滿鼻香
更不分疏著與否
較於天女散猶強

愛山樓

高低七景圍山寺
獨喜書樓在小園
更不安名徵故事
包涵無盡意中存

方山歌

久行廣甸思見山
侵尋行入衆山裏
行山未若宿山逸
宿山况是山最美
山方宛似碧玉符
帝付東皇俾掌此

熊熊奕奕鎮齊疆
蘊寫靈泉為玉水
是時峯頂春雲起
雰雯黳黳流成綺
羃松鋪谷乍有無
巖齋響像難容擬
為霖信好雪亦佳
麥隴崇朝潤千里

駐蹕方山再疊前韻

南北靈巖若合符
一般佛宇足遨娛
由來在此即言此
何必分區有定區
計里而行堪駐矣
闢齋以待豈宜乎
壁間相映朗公石
却是前巡手自圖

寫摩頂松放歌紀事有序

大唐新話稱摩頂松在靈巖寺為元奘遺跡夫唐時建都長安元奘發軔自必由彼而取經回譯經於弘福寺亦今西安地誌乘班班可證於此地無涉或元奘由此詣長安譯經事畢仍來居此或長安亦有靈巖寺均不可知此當徐考耳然松既以摩頂稱即予屢經吟詠何嘗不人謂之松而亦松之茲欲寫其形則知是栢非松名或可以假藉實難可與遷就竭爾成詠其亦有戒於斯夫

元奘取經摩松頂謂曰將歸當東指因之新話傳靈巖
今看是柏松非是設云後人所傳會種松亦易何為爾
人謂之松亦松之幾度拈吟不可否叶斯地斯事其然
乎姑且置焉徐證耳虬枝東指則誠信佛殿邊旁特孤
峙千年以上歲斯歷玉節金幢入畫理我欲寫形知是
柏顧名為松面先泚松之與柏實易辨尚致淆訛有如
此賢否萬狀目前陳吁嗟鑒別真難矣

寫摩頂松圖成復走筆賦此

松以元奘傳古蹟柏忽居之主遜客謂柏即松松又非
却有指東枝歷歷謂松即柏柏故是耶見五鍼可假借
以訛傳真真已訛真訛是非更滋惑復思太古始製字
柏謂之松松謂柏是非真訛究何辨名循至竟奚實責
擲筆大笑有是哉拘墟戲論終無益

方山夕景

蒼

去聲

蒼落屏山冥冥暗柏闕蓮檠一室靜梅缶萬幾閒

近見疎星綴遙聞幽澗潺今宵有清夢亦祇在民間

聞京師得雪

看疑其雪盼懸胸齊甸生雲西北濃空負晦晴兩朝度

已聞畿輔六花逢孰非民計心胥念却為去聲目前意鮮

上聲 上 惊三度蒙陰有奇遇三次南巡過蒙山均遇雪皆有恭依 皇祖蒙陰積雪詩韻

庶幾符澤望先顯

賜河東總河李宏

南河久董俊

李宏在南河最久由微員洊至淮徐河道

北省特掄英試小將

投大惟明更要誠固隄綏禹甸輸漕達燕京

河東總督兼管山東

運河諮度久安計寧徒扈蹕行
諸務

望

岱廟有作

翕河喬嶽例馳香告

祀涓辰遣太常詎止一時脩故典都緣萬姓籲

明慶配

天作鎮欽

神德廟中
扁曰配

皇祖御書
天作鎮與地無疆祝

懿祥漢柏輪囷嘉蔭下春風曾憶小徜徉

過泰山六依

皇祖詩韻

祇合登山小天下便當觀海悉源頭已看嶽嶽雲霞俯
未了青青齊魯浮嶺別陰陽分作郡星明角亢照為州
逮今六度賡

元韻為有峯巔

聖蹟留

大嶺隆崇自叅漢衆峯拱揖若駢頭春朝又覩神霄矗
佳氣忽來馬首浮憶昔

豫遊臻上界至今樂利溥東州千秋欲問登臨者幾箇
能如杜句留

四賢祠行館作

平陽弗愧先生席

孫復

守道願居弟子行

石介

原魯雅欽曾

造第

孔道輔

翼之不合竟同堂

胡瑗

威儀一代巾將履俎豆

千秋梓與桑何必於傍行館築斯之未信祇徬徨

正月晦日馬上口號

階堦落盡過正月恰與行程日日消
歡喜民情真美景
底須故事舉唐朝

過汶河

水解中流細春初兩岸高原山派亘
野濟水會資漕麗
日虹翻影輕風穀不濤黔黎迎蹕路
情更切前遭

二疏城詠古並論其事

二疏當日傳東宮移病歸鄉名行崇
論語纔通斯告退

得無師業未全終

賜金共饗不遺留達語原為早見流或識孝元本庸懦
遄歸奇禍免蕭周

纔授魯論及孝經五年師席告歸聽爾時何致千金賜
紀載班家信豈寧

嘗謂二疏恬退固屬高行然以實蹟論之既居教授
東宮之任豈纔通孝經論語即謂已盡吾職而求去
去亦可矣何至帝賜之黃金二十斤太子又賜之五

十斤以兩計之則已逾千兩矣黃金千兩今不易致
且太子安得有五十斤之黃金率以賜未卒業之師
傳哉蓋班史不過欲艷傳其事遂致辭失過當未可
盡信也

二月朔日作

魯甸入侵尋春風六轡琴柳黃意猶淺麥綠望非深又
已消正月了當惜寸陰便宜却今歲仲朔會重臨

至泉林三疊舊作韻

金方口人卷之五 考四十五

一山陪尾又負尾紀載從來艱確明按轡早知行館近
駐旌剛值曉春晴所嘉東國羣黎樸已有南江大吏迎
四度

安輿奉遊豫同民翹首祝

釐情

橫雲館裏忘機坐

橫雲館為泉林八景之一

却是前過平聲及此來最

愛林泉若相候且欣甌研與為陪子云逝者如斯耳回
嘆末由也已哉觸目多成慙愧處敢從勝境恣徜徉

賜山東巡撫崔應階及屬吏食并詩以示志

駐輦有餘暇賜餐聊示恩法廉誠吏本衣食亦民源要
以聯堂陞勞哉扈輶軒樸齋供信宿華飾戒從繁

泗水源上作

陪尾多名泉流雲

名此其最乳竇淙靈脈成池匯衆派

其清鑒毛髮其甘擬沆瀣水藻經冬活梳為錦繡帶石
子鋪底勻訝作珠瑣碎我來凡四度每度殊神會春風
憑曲欄滿目生清快遐思子在川末由嘆又喟

坐橫雲館得句

負尾一拳石之多叢生古木殊駢羅曲廊團圞闢月戶
中有雲館棲青螺玩水不足玩山屋知樂仁樂同清淑
何當膚寸蔚英英為雨潤資南畝俟

四題泉林行宮八景

近聖居

泉林豈是泛林泉聖蹟昭如雲漢懸雖未奠芹臨曲阜
西瞻近矣倍顚然

在川處

靈淙乳竇泗之源川上宣尼昔有言逝者如斯恒不舍
如斯不逝亦恒存

鏡瀾榭

鏡空弗設妍媸見照者妍媸自彼身設向周書尋切已
不於斯監要於民

橫雲館

靈境由來迴出羣山嵐川靄相入聲氤氲澤民解作東郊

雨龍井那誇一片雲

九曲約

板橋九轉接溪涯
溪裏新蒲發凍芽
屨步莫嫌頻中矩
越因曲折致偏佳

柳煙坡

窄地柔絲若弗勝
雅宜澹蕩曉煙凝
協時祇合觀生意
王氏詩情底用稱

古蔭堂

鬱蔥古杞盤嘉蔭翠覆書堂甌研閒致我畢然集遙思
去聲安能揖讓見其間

紅雨亭

昌條春曉未剪榮神解還因靜賞生既有芳菲須爛漫
曾非想像漫題名

于公宅詠古

東海有孝婦獄因姑女寃于公爭弗得太守竟殺旃以
此闔郡中枯旱致三年後別太守至于公為具言立祭

表其墓大雨乃穫田先是治門閭公令高容軒謂已多
陰德子孫興必傳定國果封侯他事姑弗論但論孝婦
事弗能無疑焉旱甚民受困太守逌誅虔以一殃億萬
皇天必不然讀史鮮卓識目迷隨馬遷好奇繆如是永
言砭厥偏

望蒙山三疊舊韻

將謂其雱昔歲同

前三度經此
皆遇雪有詩

不期孤望此行中山姿

雖是分明見麥色偏憐塵土蒙罨畫懶看平野景吹雲

厭作落崖風亦知遇閏遲節令及早心希利穡功

過古鄴城詠事

千取百焉亦已多不厭不奪竟操戈幾先要在慎名器
尾大徒勞歎若何

萬松山駐蹕

前巡停蹕茲駐蹕為去聲愛蒼松欲久陪白月喜於踈處

度清風時自杪間來小軒早是臨高置懸牖偏宜向遠
開我本不希學仙者而何遊涉宛蓬萊

萬松山行館即事禱詠

松

底論三鍼與五鍼
盤虬撐蓋總嘉陰
本來不藉時人種
箇箇擎枝聳十尋

栢

有松那可獨無栢
恰似夷齊弟與兄
落落庭前正相對
便先憂者也怡情

逕

逕以縈紆乃致佳脩篁錯植護書齋一時點筆促成詠
不道暢懷道歛懷

窓

下俯橫溪遠見山坐遊領要謝躋攀南來大吏咨詢罷
是日兩江總督大學士尹
繼善等來迎召見問政務
恰合消茲片晌閒

廊

齋旁軒側接迴廊各有雲窓俯下方屨步其間如讀書
一時莫辨孰倪黃

石

突兀玲瓏各闢奇
高低位置雅相宜
盡心用此勤民務
吾不憂無賢有司

梅

盆椿消息遞江南
三五疎英清且飴
故里原稱何水部
欲因摘藻却先慙

月

半彎新月又窓前
研潔甌香伴靜便
一宿底須費爾許

越因適已意怍然

題萬松山北軒

北軒殊不遙平地履數武據榻忽下視訝在霄漢宇
枋河近縈帶蒙山遠罨戶山峙與河流豈不自千古熾
然有去來詎識安心所

暖

春光臨仲月地勢進東南總屬向暄去寧須數
聲上節探征裘換細毳客路緩輕轡喜在芳郊望麥苗綠意
鬢

鴈

南來早識吳江暖
北去先傳太液春
肅肅橫空清送響
笑他思發羨詩人

蘊廬夜雨

二月初五日

雲陰便思雪
獲否尚疑然
何幸逢春雨
真資潤大田
披寒一廬永
聽響半宵連
為想明朝路
芳郊景異前

晴四首

曉煙輕泮欲開晴
潤浥東郊啓蹕旌
三寸已霑不致寧

農夫行路兩怡情

麥隴南來已發青
香舍宿雨濕溟溟
愛他平野珠光綴
日照風翻無定形

似此春霖遇豈多
老農村外笑婆娑
傳宣大吏馳郵問
迤北霑膏究若何

雨潤日暄恰適宜
柳條黃染露珠垂
分明一段江南景
借與人間二六時

明日即入
江南境

郊子園疊舊作韻

茲尚程郊境昔猶少皞墟鳥官咎問遠塗蓋論傾餘述
古真班爾居今又駐予數間雖樸若一宿豈煩諸苔砌
訝如許芸編伴所於摘吟排日有右史可同書

入江南境

雨霽仲春初策驄却輦輿瞻依從衆願長途雖御輦每策馬則民得

遂瞻依超隨幾至萬人亦盛事也呵禁戒相於弗令侍衛呵禁羣情益喜竟集鞭鐙左右矣

麥露含平壟柳煙護遠墟劃圻各迎送分野異青徐民

望真憐彼江浙之民望幸者多河防益厯予入疆欣幸者氣象較

前舒

淮徐向為瘠土每歲被灾通年疏濬六塘水有所歸幸逢連歲有收民間氣象較前畧蘇為之欣幸

四依

皇祖示江南大小諸吏韻

士不談王道或致笑樵樾而況任保障民瘼應細剖繫
予巡江國三年隔未久入疆古有慶要務安黔首漢良
二千石召父與杜母政不在催科心惟籌畎畝揚徽彼
居前繼美誰當後其司水土臣金隄在鞏守文武縱殊
途和衷貴相友前度示訓言已勒琬琰壽賡韻重申意

實踐毋虛負

度永濟橋再疊舊韻作歌

長橋卧波如虹迤中泓有水旁無水夏秋淫潦藉此消
前人建議所由起其如六塘填閑多重臣命往悉心視
湖水由橋下注為六塘河河中向多淤埂夏秋漲水宣
洩不暢輒漫及田廬前巡經臨籌度命大學士劉統勲
等上下履勘定議濬
壅培隄俾資利導
土水合穰俾剔導大禁淤田侵河

裏責成則各有司存

六塘舊無專駐之員土人侵占河
淤莫知節制又尾閭橫經鹽河商

利蓄而民利消啓閉所關綦鉅自前巡增設
廂壩且簡廳員移駐董事章程始為可守
怠緩從事

將罪爾三年以來頗見效秋禾未致為波毀下民清問
較前蘇乃知事在人經理臨斯上祇切惻癯善斯後莫
懷矜恃此去淮黃審所行兩言敬畏常銘以

六塘河疊舊作韻

治水無奇術要當使歸海駱馬之下游厥有六塘在疏
斯受利益淤斯受危殆而何久因循弗謀更張改往勘
命諸臣事在壬午載地利相機宜民瘼救吝悔僉同亟
舉役肯作道謀待映咽與濬通卑薄與培倍鹽河置閘

壩節宣有定楷自茲潦歸壑耕犁得興乃力田免水患
民自以不急近歲頗穫收問閭象熙愷詎予獨斷臧實
藉羣言採

順河集行館疊舊作韻

橋過永濟不多程行館西鄰宿預城數字瓦房樸非舊

周圍布帳制如營

南來行館率簡樸非宮殿比至此處則益令從約內則數字外列布帳為

周廬仍如行營之制

柳絲牆外搖還弱蘭朶階前馥以榮到處懋

勤供研匣捨斯何用遣閒情

題馬遠雪景

繡地傳南宋芸香滿幅吹六花飄未止萬嶂迴如夷旅
客橋頭踏漁翁蓑上披河中獨妙處不必置然疑
是幅多經裝裱名已裁去然玩其精神筆墨非馬遠不辦的係真蹟

暖

陰晦便涼晴便暖江南風氣早曾諳不知香雪能相待
開到盆椿十已三

順河集行館詠盆梅疊舊作韻

借問時巡奚所重蓋在觀民與課吏餘暇風物亦因探
綠柳紅桃豈留意言花其必屬寒梅恰見枝頭數英綴
前度曾無一朵開拂紙為寫含苞致今來乃放十之三
是則色香標淨味擱筆詎關欲藏拙我於无咎得其義
非因遊蜂解神韻幾以野梅遭頓置獨不見粉白黛綠
盡精工乃有時人與深契

賜江南總督大學士尹繼善

綸扉昨已命和羹江國仍資扈蹕行明代稱賢必王仁

石永漢家推盛則韋賢平當封疆幾處皆時望旌節卅

年獨老成亦識心殷依北闕待宣入閣贊樞衡

賜協辦大學士刑部尚書仍管江蘇巡撫莊有恭

重教任蘇撫近復擢秋卿豈不輕車藉要資法網平蹕

塗暫留扈翰幄自歸并

莊有恭早官侍從歷典封疆昨謝陞刑部尚書招深以仍趨侍

內廷德政吳松在何曾讓畢亨

明畢亨開吳松江大惠民前年莊有恭亦奏請

為喜
疏治蘇松湖
柳圩蕩各工

涼

一夜濃雲時細雨
曉陰涼頓生爾許迴憶昨午欲脫表
其暄瞽眼歸何所
江國暄涼幻若斯
人情寧獨無有之
輔相左右胥吾事
詎惟問景恒吟詩

過宿遷縣

大隄臨運水宿預過名城煙火隔隄庶倉箱際歲亨殷
勤詢吏治親切愛民情花柳遲何礙寧因攬勝行

隄上四首

淮北由來本瘠土
六塘疏治起耕畬
迎鑾萬姓休稱頌

為汝宵衣尚慙如

累跡摩肩隄上鋪果看氣象較前蘇寧徒云慰畢吾事
駢疊恩綸有後圖

夾隄栽柳為

去聲

河防

河兵例於隄內外種柳以供下隄之用

高下成行護

野塘却是春風不相讓輕搖絲縷半薰黃

大隄內外麥菁蔥食接青黃跂望中趨覲萬民畧塵埃
恰欣細雨潤濛濛

過仰化集自警

榮馬重過仰化集因之返已深長思三年必世斯已歷

風醇俗美夫何時長官宣訓有典故

每月

朔望有司宣聖諭廣訓者

庶環集祇聽以廣教化著在令甲

家喻戶曉誠難其設曰程督俾盡力

矯枉恐益騷擾滋神禹惜陰乃敏德大舜南面臻無為
富猶艱致教豈易顧名安得不忸怩

降旨免宿遷等四縣本年正賦十分之五詩以誌

事

憶我三番曾過此滿目民艱恫瘝視蠲租加賑不少靳

究亦無能瘡痍起壬午之歲博咨訪畧覺其中悉源委
因之䟽剔六塘河果然潦退堪耕耜人事盡而

天貺隨連歲秋收皆獲美茲來殊覺大改觀憑輿厯覽

心生喜户有盖歲育雞豚衣鮮

上聲

樓裂瞻婦子不灾不

賑奚所加究欲加恩念無已因思時巡免正供十分之

三常例耳數縣瘠土應倍憐益二至五斯可矣留有餘

用蘇茆簷減一半惟投縣匭佇看元氣復閭閻庶協以

休以助理

雨二月初十日

雲容兩日密鋪空曉霧旋霏細雨濛故識江南此易致
却思移澤遍齊東

賜江南大小諸吏食因示志

負弩概勞勤肆筵洽衆欣聯情交泰陞霈澤叶需雲是日

值雨因各賜帛為霑衣也

後樂吾猶惕先憂誰共分惠鮮端有要所

望莫孤殷

清河道中襍詠

夜雨達晨曉未晴大隄以上御車行山東塵土江南寧
轉眼如人無定情

迎鑾黎庶聚猶多雨裏那曾笠與蓑愛敬真如子於父
可無惠保計如何

御營將近忽開晴隔岸清河見故城遺跡元明籍可按
孰非保障為民生

和門近對運河濱來往誰何禁不申瞥過風帆信如畫
明朝也是畫中人

閱中河

東西悉屢更惟此協中行

聖制利千古

中河視所定利賴無窮

皇祖相時巡仰

大成黃河南匯近汶水北分清擬命溯洄舫詳觀濟運

情

向來南巡返蹕皆遵陸今年命由水路御舟而還欲以觀運河節宣情形亦要務也

楊莊牆四依

皇祖詩韻

通漕北南千里餘審形建牆俾紆徐臨黃最以斯為近

虔鞏節宣計漫疎

仲春遲日靄晴絲
玉馬觀民轡緩移
疊跡摩肩縱瞻就
不訶七萃早羣知

渡黃河六韻

雨霽物熙春風恬
波靜淪綵棚叩

靈瀆

渡河時有司於北岸具綵棚為躬祀
河神之所辦香展敬始登舟徑渡
畫舫發通津

惠濟

祠名
瞻前見

慈寧奉四巡
安瀾一川喜
彼岸片時臻

天意昭恩佑人情愜愛親自維何以荅勤政與仁民

惠濟祠

展義惟因民事覆渡河瞻禮敬誠將代

天塽佑今今古行地昭靈清與黃利涉往來賴

神貺升香楮帛籲民康敢云

錫羨由昭假慎德惟殷勵不遑

觀清口出水誌疊舊作韻

審悉洪澤患率緣清口壅東西東兩壩惟留一壑送此

固具深意蓄清敵黃縱所以靳拆壩亦半惜費葑然其

勢既盛又當權輕重何必恃五壩

高堰盡處設仁義禮智信五壩以為洪湖

尾閭之洩俗所謂天然壩也一過水而下河無不被災之理向屢有詩

云有尾閭供久度

入畧知要欲救為魚痛獨斷示機宜初不資紛訟尺寸

慎詳計

每壩口水誌增長一尺即令清口拆開十丈準是為式然後上下節宣歲無贏縮

拆收

在敬用河臣奉此策年來豫留空五壩未過水幸哉言

偶中計其拆收費帑金數萬動下河連年收曾弗驚泥

洶損益多少間昭然知者衆觀民與觀河豈可辭倥偬

隄上相咨詢珠勒轡緩控株守亦非佳推行貴錯綜苟其利吾民慰哉奚勞頌

過清口觀木龍六韻

清口乘舟渡木龍欲審觀誠非虛費帑

建一木龍計費至萬金果

見有淤灘閼罷西涯戀泛迴東岸歡

渡清口而西緣隄閱視木龍四悉其

掛淤情形因相度河勢於陶莊積土相對處諭河臣添建木龍一具俾益收挑溜之用事畢旋艤西涯之民有

戀意而東岸何曾嚴蹕路竟是近隨鞍幸不為民畏由之民益歡迎

來以子看河工謀保障安得弗心殫

木龍示總河高晉作

積土陶莊勢久成逼黃恐致漸侵清曰斌重舉木龍製

此宋陳堯佐法高斌效而為之

汝晉仍於沙渚營南漲北埧雖有效

前

相度清口允高晉請添建木龍以資利導兩載以來南岸新漲灘二百六十餘丈北岸刷去舊淤一百四十餘丈

護工挑溜已著成效

楊湯止沸可無驚河工艱一勞永逸補罅

期輸爾我誠

御製詩三集卷四十五

欽定四庫全書薈要卷一萬三千四百七十五

集部

御製詩三集卷四十六

古今體一百一十四首

乙酉四

閱河四依

皇祖詩韻

閱河歷歷仰

堯營挈要云由地裏行稍事調停在清口下河連歲幸

收成

河臣向皆斬拆清口平時節宣未暢下游易遭溺
溢壬午春巡定制以高堰五壩水誌高一尺清口

金
即開放十丈為準下河頻年
不受水患歲獲亦慶屢豐

御安福艦

第一行營駐水郵明朝將進溯游舟巡方為重久安策
育物敢忘錫福籌風月仲春纔澹蕩湖山南國正清適
觀民展義寧無暇依舊吟蓬會景投

清江浦

渡河今日莅清江沙岸邊旁艤鳳艘便覺景光非北地
行看佳麗到南邦建牙近守金隄固

總河衙門建於是
以近清黃交會隄

工最要
置牖永期玉柱杠
惠濟開為通津寂要闕鍵
向晚澄波印新月

謚人神思果無雙

賜江南河道總督高晉疊舊作韻

東南稱澤國保障畀雙旌詎在工穿鑿惟應盡敬誠隄

堅幸黃刷口拓暢淮清

年來清口宣洩之法高晉善體朕意於啓閉尺寸一以高堰五

壩為程不惜拆清口壩之勞費是以屢年五壩不過水下河田廬並資利益

實爾推行善毋

須揚頌聲

月

水營濱運川玉波銀輪納望前光愈鮮春仲寒猶颯蓬
窓不忍下還教移近榻三年別景趣一晌愜遊涉徘徊
對清泠詎可無言答

反錢謙益淮陰侯廟詩即用其韻

謙益詩云豈知隆準如長頸夫信反跡已明豈得
謂高祖忌刻如句踐乎是非倒置甚矣無知者猶
有以彼言為當者故不可不正之

家臣謀詐赦官徒反跡寧同有莫須陛下早知能將將

項王嘗見語姁姁

二句皆隱括信語

枉尋彼謾稱直尺

謂謙益

惡

紫吾猶恐亂朱心事若殊陳代相那尋遺廟奠傾孟

謙益

有好為英雄奠一盃之句

過淮安府

漂母祠邊暫據鞍射陽城裏徹鳴鑾竟成減從還輕騎
都為民親與俗安縱喜市頭平米價那無簷底歎衣單
孳生庶更謀生窘不見其熙祇見難

閱淮安石隄再疊前韻

河工於何艱艱惟亘徐海山陽處其中人煙庶更倍所
恃惟一隄因命以石改雖非探本計粗安賴厯載

皇祖有徽猷功同禹乘橈動皆合天人舉必究源委藐
予四南巡繩

先志勤每曰述實非作仍以遵

神楷隄高將埽城詎曰安非殆淮黃苟暢消為魚憂庶
罷顧咨司河臣莫恃茲晏愷常凜一心畏俾免萬民駭
賜漕運總督楊錫紱

內供卿貳外封疆司運今番政最良不必精嚴事皆就
善於驅使衆胥襄即今水次排南舸弗誤秋來到北倉
楊錫紱奏今歲南巡漕船於水次分別更議僉丁蠲積
前後頓置且二月逢閏定當如期抵通
習向來軍籍各戶多攬易規避甚至藉捐銜冒考為巧
於詭脫之計楊錫紱條奏立法禁治凡紳衿請託一
除屏不徇流俗審應臧

即事

即事弗拘題所遇皆可詠夜雨曉漸稀朝風午欲定當
其風雨時黃頭心固恹農父順帆舟亦豈無欣慶事蓋

艱兩全美還忌太盛詎惟所見然吾擬通為政

山東巡撫崔應階奏報得雨

兗沂經過為希膏欣悉春霖近遠叨

昨駐蹕郊城適逢春雨因諭崔應階

查迤北一帶曾否均霑今據奏報沂州初九初十兩日密雨淋漓蒙陰於十一日微寒作雪積地二寸餘而兗州濟南青州三屬亦於初五初十等日得雨二寸至六寸不等麥苗既資潤長大田亦得乘濕翻耕農民胥慶覽奏深為欣慰詎止麥資香餅餌并聞黍可事耘薅孰非赤子

孰能忘

去聲

為是殷心為此勞澤國已霑晴亦好得因清

暇一搞毫

過寶應縣

鳳舸泊川塘城闌緩控韁欲求萬民晏慎選有司良直

道由來久平安亦自臧

縣志漢時為平安縣至唐上元間因得定國寶改今名

元因得寶改縣失荒唐

晴三首

江郊宜雨更宜晴麗景迎曦嫩暖生催漕去聲東南風豈

礙

江南春月多東南風漲添順水送舟輕俗謂之催漕北上也

東南風旋去聲轉西南藉卜開晴有俗談

南方俗諺風雲西南得晴占

散日輪光尚淡入波疑是玉蟾涵

柳態蕪姿入畫情隄梅又放兩三英似傳鄧尉催人意
却為觀民不趲程

襍言

昨日東南風舟行誠覺遲今日東北風舟行迅似馳檣
竿可張帆邪許喜榜師須臾風力足越馳乃如飛大船
中流若無事小船前行數里計瞥眼大船已及之劬劬
小船欲迴避迴避不能將壓臨憑覽獨覺驚吾心大小

不倫勢若此可恃為君莫吾比

過高郵州

覆孟城北艤行舟玉勒城中歷覽周建置詎惟圖目覩

資生要欲悉心求下河獨斷幸無滂

前巡審悉河湖形勢因命河臣視高

堰五壩過水尺寸展折清口以洩洪澤之漲連歲下河得免水患並獲有秋

連歲羣稱歌有

秋馬首拜恩亦奚藉哺孩寧復望其酬

車邏壩

車邏諸石壩所以洩狂瀾洩之水猶盛增置東西灣

丁丑

南巡以高寶湖河入江未暢因命於金灣加寬引河中
閘增置石壩而東灣滾壩則令落低壬午春親蒞籌度
並令將西灣滾壩落低亦謂悉心謀其如多來源洪澤
四尺俾成建瓴之勢

過五壩厥勢誠滔天詎此所能救坐看潦下田因謀抽

薪計拆壩清口宣為之定尺寸寬窄相衡權前巡諭暢開清口以

洩洪湖視高堰五壩水誌如過水年來守此策洪澤洩一尺即拆開十丈節宣永為定制

漲前

天恩更未勞五壩無漏泉車邏常封土清口既暢湖水宣洩有資車邏

始得堅閉下河頻年下河有收連歷覽為額慶吾言中
幸不被水遂致屢豐

偶然而此詎敢矜惟益勵惕乾

花朝三首

南邦四度度花朝每度花朝景物撩
北地豈無二月望
女夷應是夢中消

未見花開不免希既開轉覺惜芳菲
試看玉簇錦叢裏
已有媽香幾片飛

菀枯誰所又誰能祇有無生是上乘
却憶去年潭柘寺
去歲潭柘寺度
花朝亦有詩
悟拈花處得相應

初遊上方寺

灣頭遙見起平岡聞說精藍有上方雖是徑蹊畧紆轉
果然松竹不尋常八禪漫論通其要萬姓尤欣副所望
馬足紛隨定何礙躡蹠惟惜麥抽芒萬姓隨馬足趨瞻竟有踐踏麥苗者
既不忍嚴禁呼令莫履麥田彼乃不聽也

香阜寺

龍角蜀岡低

香阜俗又謂之小五臺蓋蜀岡盡處如龍之角云

花宮湧地棲浮

橋過運水下馬叩招提三載誠脩爾千秋可例兮天寧

知不遠易舫進前溪

自高橋易舟至天寧寺行館即景襍詠

溪河廿里進輕舟行館天寧擬駐留問景誰當繫清戀
平山待我有蘇歐

三月煙花古所云揚州自昔管絃紛還淳擬欲申明禁

慮礙翻殃謀食群

嘗謂富商大賈出有餘以補不足而技藝者流藉以謀食所益良多使禁

其繁華歌舞亦誠易事而豐財者但知自嗇豈能強取之以贍貧民且非王道所宜也化民移俗言之易而行之難率皆類此

夾岸排當實厭閑
殷勤難卻衆誠殫
却從耕織圖前過
衣食攸關為喜看

煙溪幾轉到天寧
古樹真花蔚淨馨
調御堂堂還丈六
不絲毫分示遷停

天寧寺再疊前韻作

八會窮源開舍衛
三明極地演迦陵
雖云蕪郡城北郭
已似四禪天上層
馬到門前知路熟
鳥來簷下聽經能
昔題著處逢迎是
不異今朝愜賞憑

駐蹕天寧寺行宮疊舊作韻

曲徑相通向右邊了知行館最清便
綰旌又駐仲春月香宸何殊壬午年
嘉蔭仍看喬栢峙幽芳已有早梅妍
大觀堂裏披書坐無逸當前意悚然

九峯園小憩

觀民緩轡度蕪城宿識城南別墅清
縱目軒窓饒野趣遣懷梅柳入詩情
評竒都入襄陽拜

園有九竒石因以得名非山峰也

舉數去聲還符洛社英小憩旋教進煙舫
平山翠色早相

迎

蓮性寺

一瓣一不韻皆具性萬不萬瓣性皆空
裴嚴塔院有如

是無盡光明碧水中

功德林

竺宇平山左厥名功德林石磴雖不高亦足具四臨
右俯適來川絲管猶餘音左挹麥塍綠實覺娛吾心
視聽胥且置一思功德義譬如惠心者勿問乎惠意佛無物

不度度亦不居惠是則功與德二字將何寄微覺調御
笑語言實兒戲

題平山堂

鬱律山堂倚碧嶺建時猶自紀廬陵羶薌佳勝七百載
嘯咏風流四五朋必有真能被民澤不然何以至今稱
重來拱讀

奎章煥旌淑原從漢詔徵

大觀堂疊舊作韻

南巡重莅止寧為恣娛觀展也必由義樂分敢涉盤何
來此有覺慙若未遑安益勵甄心戒深防適已歡餘閒
聊可棄精蘊亦因殫在上思義象夔夔祇見難

賜湖廣總督吳達善

甘陝贊軍餉滇黔建蔡牙兩湖俾治劇萬姓庶蒙嘉公

不和斯鮮

俗有湖北督撫常不和之謗或惑於形家之說以為地勢使然此謬論也蓋公豈有不和

者明期照莫差官方誠闢葺

湖北吏治自愛必達周琬以來因循欺蔽較各省為

劣茲命督撫諸臣力挽頽風

可弗意為加

降旨免江南熟田未完欠項並將江蘇經過州縣
均免十分之五詩以誌事

啓鑾前免百卅萬實指災田所欠尾入疆詢知江北多
江南纔三萬而已是則江北被恩重江南無災恩薄矣
因問熟田或有逋亦不過四萬斯止概與蠲之仍覺輕
十分免五惠同視宣尼曾云不繼富蓋於他人非赤子
藏富問閭信益佳詎曰驩虞博民喜

遊倚虹園

情知名墅郡城西遂艤蘭舟步薜隄花木正佳二月景
人家疑近武陵溪笙歌隔水翻嫌鬧池館藏筠致可題
片刻徘徊還進舫蜀岡秀色重去聲相溪

淨香園

雨過淨猗竹夏前香想蓮不期教步緩率得以神傳几
潔待題研窓含活畫船吹笙橋那畔可入牧之篇

趣園即景

多有名園綠水瀆清游不事羽林紛何曾日涉原成趣

恰值雲開亦覺欣得句便前無繫戀遇花且止足芳芬
問予喜處誠奚託宜雨宜暘利種耘

水竹居

柳隄繫桂艘散步俗塵降水色清依榻竹聲涼入窓幽
偏誠擅獨攬結喜無雙憑底靜諸慮試聽石壁淙

是處本名

石壁流淙為平
山四十景之一

題天池

在功德
林中

林中功德池迴自半天披淥水入澄照青山猶古姿魚

衝漪上下花弄影葳蕤一派曹溪味尋源識者誰

題小香雪居

竹裏尋幽逕梅間卜野居畫樓真覺遜
茆屋偶相於比雪雪昌若曰香香澹如
浣花杜甫宅聞說此同諸

再遊平山堂即景襍詠八首

曉煙欲泮猶未泮山色如遙却不遙
一路名園都可憩木蘭先泊倚虹橋

纜牽春水拍舟輕戟戟新蒲刺水生
夾岸樓臺不知幾

上聲飄飄都在鏡中呈

澹蕩輕風靜碧淪
隄籠絲柳拂船脣
沿隄綈騎非嚴蹕
為挈銀牌賜老人

春光滿眼已撩人
梅白棨紅倚翠筠
屈指長橋過廿四
風流誰是紫微倫

有時屨步有時舟
幾暇聊成爛漫遊
饒舌咄哉此言失
得閒吾豈樂天流

傍午徂雲忽放晴
平山濯翠益分明
吾寧徒為去聲遊山

計計到田功實暢情

綠竹叅天一逕細白梅似海萬株多援毫題曰小香雪

大者決旬較若何

屈指十朝
當至鄧尉

梅塢西鄰即蜀岡春風依舊坐山堂適來絲管真嫌聒
恰喜松風一掃涼

塔灣行宮四依

皇祖詩韻

乘氣寧闕玩物華籌民本計厘禾麻庶繁郡過蕪城市

瀟灑軒依鹿苑家金柳已搖高下縷玉梅都放淨娟花
天章賡和知

垂訓蒙業承平意敢奢

微雪

二月十九日

夜雨晨陰午後涼凝成雪片灑飄揚旋看落地融為水
穠事花期兩不妨

長空細糝縵徘徊六出花非費剪裁滕六應知別有意
欲因親切較江梅

塔灣行宮三依

皇祖示江南吏韻

載謫大小吏為政有常經恕不妨蒲示節當如竹亭莫
忘恫瘝念恒切怨咨形豈必催科巧逋徵早已停

過瓜洲鎮

江裏洲傳瓜字曾廣陵潮昔有明徵

蔡寬夫詩話潤州大江本與楊子橋

對岸瓜洲乃江中一洲耳李紳詩揚州郭裏見潮生自瓜洲以閘為限潮遂不至揚州夫唐時揚州尚見潮何

况於漢著述家遷就枚乘賦語俱以曲江觀潮為是杭非揚且謂廣陵舊治甚大錢塘當在所轄之內此與刻

舟膠柱之見何異既為之辨復注大意於此

開元以後襟喉要乾道之間城

堡興占地其來亦已久讓川雖安卒何能去年異漲坍沙磧幸保安然惕倍增

渡江至金山駐蹕作

南巡又奉

大安舟令日金山此重

去聲

遊昨尚風狂今乍息每逢浪

靜信何修

親歡誠益愜深願

祖德思惟勗遠猷浮玉底為新景會算山對暎玉微留
昨夜微雪算山一帶曉猶未融積素更為江天初觀

金山寺四依

皇祖詩韻

忽聞江上按雲和仰首方知天籟多我切聰聰在
軒碣三年睫眼訝無何

金山三疊舊作韻

萬頃銀濤百丈青文章大塊善形形誠知

天地此鍾秀敢曰山川特效靈滿月面重瞻相好如水
壺裏悟流停妙高臺上遊遙目興寄鳶魚徹洞冥

近涯南北春盈地遠派東西水接天想像繩床叅印老

補藏玉帶證坡仙

寺有坡翁玉帶久缺數版士
午臨幸為補足之曾有詩

拱瞻

義碣欽

前烈欣奉

任輿悅

大年到處花宮虔祝

嘏誠同蒼赤一心連

觀濤樓歌

傍晚大江畧作風逆風者勞順風逸不如山頂坐層樓
勞逸齊觀泯得失變然悔此非我談談合漆園寥天一
一物逸我為心愜一物勞我為心疾疾心愜心紛乎中
辭之斯吝安猶吉夫然那免鬢星星擬藉觀濤滌塵沕
遊金山寺四疊蘇軾韻

大江入中國十分到此三分已近海河常有患江無患

偶然亦復有患在去歲荆楚肆難陀尾打波冠須彌波
文泉監利被灾重賑恤寧新費帑多瓜洲城下走舟楫
丹沙日甚於一日爰捷保護那可施南望心憂為黔赤
上年六月湖廣總督李侍堯等奏楚省積雨江漲上游
文泉監利迤及黃梅廣濟被灾數邑疊行降旨賑恤旋
經高晉奏江省瓜洲江水長發丈餘迴瀾壩
岸坍塌至七月汛平加甃碎石江塘復完 漲退城安

定駭魄民色如前澤而黑輕艫重剪江波明為思昨夏猶
餘驚我有恒心民盡識屢巡豈緣攬景物韶春復駐氏父
山強和蘇韻不避頑獨愧詒詒言未已可知既水弗洗水

再題蘇軾玉帶

玉鑿猶是子瞻遺當日禪機竟若為山色江聲今妙偈
外州內翰昔威儀本無此任僧伽敎非有餘殊人士垂
欲問曾圍肚皮者經多少不合時宜

未戲用
子瞻語

題金廷標留帶圖

東坡玉帶既貯之以檀匣復為錦囊什襲用示珍
重白綾裏命金廷標為圖因成是作題之

愛帶都緣為愛人言之不足命傳神恍如坡印視予笑

笑是居然未離去聲塵

題李因墨卉

四季芳華筆底收，那經意想足風流。求諸藝譜還艱得，

應是汴人尹白儔。

見蘇東坡
墨花詩

自金山放舟至焦山四疊蘇軾韻

兩岸東江深眈眈，瓜步在北京口南。天塹形勢攬已熟，
奚啻曰再與曰三。金山放舟纔片刻，迴視銀海擎黛巒。
山包屋處欠一到，隱慮或致焦先慙。順流鼓枻意甚快，

風浪奚礙心澄潭故知羅巘草木茂枝姿葉態迎春酣

乃復寺旁構行館成事不說何勞談

已見壬午疊韻詩

小憩弗

宿發青雀調御月面空花龕熾然今昔非今昔中邊食

蜜皆甜甜獨是結習寄吟詠屢賡蘇韻寧辭貪八州牧

同五斗祿

見蘇詩

一長老商七不堪呼之欲出難想像但

聞其聲留谷菴

亦用蘇語

清寄堂

別館精藍側逕幽花木芬棲遲雖覺適供奉畧嫌勤古

柏虬蟠影高峰螺皺紋偶然寄清興流水與行雲

竹樓

竹裏書樓架竹為拂筵還入夏風枝恐人強與分賓主
故藉泠然一掃之

海門菴

倚壁為菴對海門絕無塵處閱高奔山僧不用蓮花漏
自有潮頭報曉昏

遊焦山作歌再疊舊作韻

焦山侵尋亦有屋難傲金山獨在腹土為母子木弟兄
世人慣作響應聲太古以來大江水豈知較此與量彼
三詔先生如可起首肯吾言嘆止止水流地而雲行空
誰論有是有非是維舟登岸又斯辰如來默坐何修勤
無色聲香味觸法施檀禮足徒紛紜風旛不動自標偈
龍象變見皆成文吾方興屬層峰雲下暎江色青氤氲
今新昔故泯芥薏南疆北界誰區分東瞻海門誅蕩蕩
百川虛受胥平吞蓬萊方丈竟何處祇餘潮聲朝暮聞

甘露寺用張祜韻

心淨泯羣象目空無點埃
三乘於以閱四度底論來
江色翻禪壁山光落講臺
衛公固局鏑舍利也還開

箕山

一水平分揚與吳西津渡口峙峰孤
中宵畫策周郎定

萬舳樓船曹氏無綠拂春風猶澤蒜

地理志山多澤蒜故名又以周瑜策

曹操於此因名箕山

白揺秋月自洲蒲江流激石為澎湃尚似當

年恨霸圖

遠帆樓即景四首

清晨進舫攬焦山
甘露紆臨卓午還
東望青螺湧玉海
畫如我適在其間

來往帆資一面風
舟師破浪實稱工
忽思駿馬馳山阪
控縱隨人此或同

舉目雲行與水流
廓然俯仰契神投
大江東去千秋調
多把黃州誤潤州

寺壁勒明季夏言等大江東去詞蓋皆數典東坡黃州之作

重閣名同太液池
璣華島北閣臨
液池亦名遠帆
織梭帆影鏡中披即

看浮玉原瓊島外苑何須異視之

登金山塔頂三疊舊韻

塔頂應須更有尖碧空在上獨稀兼看茲卓爾禪明示
到此誰能意不恬風物江山原弗異詩篇今昔且由添
了知未似東坡句却喜依他韻屢拈

題鏡治齋

浮玉大江裏行齋浮玉中

堯勲遵露冕禹德慙去聲卑宮不到塵埃處真教機象融

省方闕治化淵鏡意何窮

張宏梅塢春遊圖

藉草為茵湖石側嫩晴恰喜散吳雲
同人小酌梅花下點筆應知句亦芬

金山妙高臺和蘇軾韻

先我問誰登眉山玉局子仕朝七品官
辭家六千里屈信往來間蓋同遊戲耳
忽愛浮玉峰嵬隄江中起義取華嚴經
名此臺如砥比丘擬德雲談禪對棐几
了了契

心神朗朗出口齒斯誠迴出塵那更申盟水獨步妙高
間是是非非是效之者計愚似之者法死

趙文叔花石寫生

蝴蝶花

翩翩通體冶而輕露下風前最有情不藉滕王大小眼
三生石畔認前生

河南巡撫阿思哈奏報得雨

恒厘中州冬雪少欣聞春雨普霑濡

豫省冬雪畧少正
盼春膏頃據阿思

哈奏報二月初四五及十四五等日各屬得雨三
寸至六寸不等通省並得霑足二麥可卜豐收深為欣

慰更思迤北京畿地此澤還當被也無

策馬過鎮江府

揚子橫江片刻過毘陵策騎度逶迤民情較昔尤相熟
馬足趨隨郡厭多城有絃歌興禮讓戶無滋擾自熙和
黃童白叟誠繇庶為去聲計資生應若何

京峴山

京峴春潮輕送舟鑿渠率笑祖龍謀南來北往原資利
君子惡因居下流

登城霞閣再疊舊作韻二首

運路襟煙郭橫樓帶水衢助休度已義洒掃塵人劬登
攬寧無興安懷要有圖會歸惟北極禮樂盛東吳方抱
一心歆那矜萬口呼殷殷祝綏屢庶得四民蘇

詎可揚帆過登臨俯市衢四巡非一歲三義眇千劬西
蜀成偏業南陽贊遠圖深謀艱伐魏遺恨未吞吳紙幣
今仍走樓桑昔罷呼城霞揭妙理勁筆備顏蘇

過艤舟亭不泊

南邦風雨是其常涼迫詢無害麥秧

邇日風雨作涼夜疑微雪恐傷麥苗

問地方吏稱無害也

避寧漫嫌孤勝境迴舟再艤又何妨

石尤風送雨絲濛駐處猶遲十里通玉局艤舟予進舫
景情雖異地原同

淺水寧關荅菴主利風更異趁將軍畫亭舍是非無謂
早到圖休扈蹕羣

寸麥尺水

寸麥尺水猶無妨尺麥寸水亦致殃不是南來諮穡務

似茲委曲那能詳

沈德潛錢陳羣來接因成是什仍各書一通賜之
二仙仍此候河濱三載相睽意更親郭泰李膺一煙舫
二人同舟而來沈期錢起兩詩人飄然白髮都還健瞭爾青瞳
自有神筆力年華雖共老載賡知復倍清新

題王穀祥梅竹瓦雀

梅竹嘉賓集飛棲態各超喜緣葡啄栗怒或目如椒花
下依香住竿間弄影飄處堂還免誚樂意託清寥

泛舟遊惠山即景禱詠

川路遙看

平聲

見惠山輕雲淡日蔚孱顏遙飛吟興於何

是祇在泉流峯峙間

煙溪暫泊換輕舟兩岸麥苗綠似油致我欣然誠在此

寧徒留意為

去聲清遊

寄暢園中小憩遲榕紅梅白鬯春姿林泉別我三年矣

似曰無他祇待詩

精藍西轉有禪菴啜茗聽松

即菴名設竹鑪每至必試茗

此最堪疊

韻寧辭綺語過前三三復後三三

寄暢園三疊舊韻

流引惠泉水一灣石橋過處敞軒閒樹遮洞以千年計
瀑出峽分數道潺趣為去聲永哉暢非俗樂惟仁者寄於

山養疴旋里人何在撫境愀然是此間園為秦氏別業去秋尚書秦蕙

田以病請假南還尋即在途不起
田遡地是人非為增感者久之

仇英松陰觀瀑圖

擁膝松陰謾籟佳獨憐飛瀑澹人懷錫山秀色依然好

那覓當年十笏齋

見圖中
自識語

惠山寺再疊舊作韻

春氣濛濛潤岫螺花宮兼有古松羅青衣童子誰曾見
白足僧人此處多畫卷重教神晤會竹鑪一為去聲手摩
娑底須令昔頻量檢七識田中幻末那

聽松菴竹鑪烹茶戲成

初來猶憶翰臣偕

辛未南巡初至聽松菴訪竹
鑪舊蹟曾命汪由敦扈遊

火候曾

傳文武皆習熟中涓經手慣可憐竹鼎也聽平聲差

圓池

圓池方之上堪輿含至理得氣擅清輕應較下為美

方池

方自圓流出非遙品乃低雖然甘不逮猶自勝梁溪

汲惠泉烹竹鑪歌三疊舊作韻

一韻屢疊有前聞其中亦頗伯仲分試問誰應稱巨擘
要數聲玉局迴出羣聚星孤山特傑作手把造化超凡
塵往來無錫此必至

見東坡詩序中

何缺押險長篇文遊山望

湖纔數首字字妥帖餘清芬我來四度歌四度弗自竿

量翻案陳漪瀾堂中小團月

隲括蘇詩意

恍如髯老來相敦

篋編古鼎依舊在拾松枝豈煩樵薪至期自熟寧用亟

中涓伺候忙已紛乃悟高閒非我事山僧後言那免云

忽忽一吸命返轡回顧曰此偷閒權

叶

夾岸蒼赤數無

萬各各都厪予心存安得人足家遍給風俗還古禮樂
新名山得讓閣黎占法寶何礙招提珍法寶何礙招提
珍千秋聊付好事人

暗竇

天一孕靈根是謂孚盈缶可以驗化機率自無生有

明亭

石亭纔四柱臺榭圍周遭樸野固非匹閱時此或牢

聽松菴竹鑪煎茶三疊舊韻

若為石洞若為泉早已知津豈待煎靜對山川原自古
何披圖畫乃稱前無逾一晌煙雲過那得恒斯風月眠
禪德忽然來跏跏訊是云提半抑提全

謾謾松濤活活泉笑予多事箋鑪煎半升鐺內都包盡

四箇匣中莫並前

寺僧弄藏四匣皆明人詩畫其第四失去圖曾命張宗蒼補為之已見舊

作中茶把僧叅還當偈煙憐鶴避不成眠可教緩棹言歸
矣今度賡吟興又全

倪瓚林亭遠岫

吳地吳人畫煙雲互渺茫排空疑送雨訝在錫山傍

題張宗蒼補惠泉圖三疊舊韻

依舊淙淙山下泉諸餘都置展圖先誰知補者宜居後

忽訝觀斯乃緬前真是要惟以韻勝

昔與宗蒼論畫法每稱當以氣韻為

要

由來不可著言詮謾訾屢舉蘇髯體此日拈吟屬偶

然

自惠山跋馬過無錫縣城登輕舟至水營即景禱

詠

錫山雲氣自南濃促返恐防春雨逢跋馬煙塍不三里
焚絲已是灑雯零

黔黎趨擁喜逾常所惜無端躡麥秧

萬民趨隨夾道竟有踐踏麥苗不顧

者雨笠煙簑都不藉忍教呵禁警龍驤

寧民自視廟堂謨豈繫尋常錫有無比戶安和心實慰
頌言那在謝蠲租

城南盪槩下川郵煙意溟濛勢乍稠前指水營猶十里
倩誰風雨畫歸舟

題趙孟堅白描水仙

影愛波中照態惟月下娟陳思成賦後祇合以圖傳
龍女獻珠時羣姝左右隨色香飯至淨都受兩毘尼

御製詩三集卷四十六